

OKVIRNI SPORAZUM

između:

Agencije za rad i zapošljavanje Bosne i Hercegovine sa sjedištem u Sarajevu, ul. Đoke Mazalića br. 3. koju zastupa zamjenica direktora Suzana Radinković (u daljem tekstu: Kupac), identifikacijski broj: 4200161160001 i

EOL PETROL d.o.o. Sarajevo, sa sjedištem u Sarajevu, ul. Patriotske lige bb, koje zastupa prokurist Dino Pašović (u daljem tekstu: Prodavac), identifikacijski broj: 4201480390008, PDV broj: 201480390008, transakcijski račun broj: 1340011120279751 kod ASA BANKE d.d. Sarajevo.

Član 1.

(Predmet okvirnog sporazuma)

- (1) Predmet ovog okvirnog sporazuma je nabavka i isporuka goriva (motorni benzin bezolovni i dizel gorivo EURODIZEL EN-590 EURO-5) za potrebe Kupca, prema specifikaciji iz člana 6.1. i Anexa 2 tenderske dokumentacije.
- (2) Kupac i Prodavac su saglasni, da okvirni sporazum realizuju prema definisanim uslovima u tenderskoj dokumentaciji broj: 06-16-7-10-2/24 od 7.2.2024. godine i prema ponudama broj: 1893/02/24 od 23.2.2024. godine i od 6.3.2024. godine u provedenom postupku konkurentskog zahtjeva za dostavljanje ponuda.

Član 2.

(Cijena)

- (1) Okvirni sporazum se zaključuje sa procijenjenom vrijednosti, u iznosu do 10.256,40 KM bez uključenog PDV-a, odnosno 11.999,99 KM sa uključenim PDV-om.
- (2) Isporuka goriva iz člana 1. ovog sporazuma će se plaćati prema utvrđenim pojedinačnim jediničnim cijenama iz ponude Prodavca broj: 1893/02/24 od 23.2.2024. godine, odnosno prema cijeni iz ponude od 6.3.2024. godine sa e-Aukcije, koje se neće mijenjati tokom sporazumnog perioda osim u slučaju iz člana 3. ovog okvirnog sporazuma.
- (3) Ukupna plaćanja bez poreza na dodatnu vrijednost, na osnovu svih pojedinačnih isporuka goriva po zahtjevima Kupca na osnovu ovog okvirnog sporazuma ne smiju prelaziti vrijednost nabavke iz stava (1) ovog člana.

Član 3.

(Promjenjivost cijene)

Promjenjivost cijena mora biti zasnovana na javno dostupnim podacima, u skladu sa tačkom 21.1. tenderske dokumentacije.

Član 4.

(Način plaćanja)

Plaćanje goriva iz člana 1. ovog okvirnog sporazuma Kupac će izvršiti u roku od 30 dana od dana prijema računa ispostavljenog na mjesečnoj bazi od strane Prodavca na osnovu otpremnih dokumenata sa prilogima (računi s potpisom vozača, elektronski pregled točenja goriva, specifikacija količine i vrste goriva), na transakcijski račun Prodavca broj: 1340011120279751 otvoren kod ASA BANKE d.d. Sarajevo.

Član 5.
(Rok isporuke)

Isporučka goriva iz člana 1. ovog okvirnog sporazuma će se vršiti sukcesivno i kontinuirano u toku trajanja okvirnog sporazuma po pojedinačnim zahtjevima Kupca.

Član 6.
(Način isporuke)

- (1) Obaveza Prodavca je da gorivo iz člana 1. ovog okvirnog sporazuma isporuči na bilo kojoj benziskoj stanici u Bosni i Hercegovini ili inostranstvu (ukoliko posjeduje stanice u inostranstvu) Prodavca ili podgovarača, a prema destinacijama navedenim u ponudi broj: 1893/02/24 od 23.2.2024. godine.
- (2) Cijena isporuke goriva na navedenim destinacijama je sadržana u cijeni navedenoj u članu 2. ovog okvirnog sporazuma.
- (3) Isporučka i prijem goriva iz člana 1. ovog okvirnog sporazuma vršit će se u skladu sa internim procedurama korištenja službenih motornih vozila Kupca.
- (4) Kod isporuke goriva Kupac će vršiti kvalitativno i kvantitativno preuzimanje i kontrolu goriva, te zadržati pravo, u slučaju neispunjavanja traženih kriterija, da može odustati od ovog okvirnog sporazuma.

Član 7.
(Viša sila)

- (1) Kupac i Prodavac se neće smatrati odgovornima za kašnjenje u ispunjenju obaveza prema ovom okvirnom sporazumu, neposredno ili posredno, ako je zakašnjenje uslijedilo usljed više sile.
- (2) Pod višom silom podrazumijevaju se slučajevi koji se mogu pojaviti poslije stupanja ovog okvirnog sporazuma na snagu, a koji nisu pod kontrolom nijedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom sporazumu.
- (3) U što skorijem roku, nakon djelovanja više sile, a ne duže od dva dana, Prodavac detaljno obavještava Kupca pismenim putem o djelovanju više sile. U slučaju da se utvrdi da Prodavac nije u mogućnosti da ispuni obaveze prema ovom okvirnom sporazumu, Kupac ima i može koristiti, pravo na raskid ovog sporazuma o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

Član 8.
(Garancija)

Prodavac garantuje da će isporučka goriva iz člana 1. ovog sporazuma biti propisanog kvaliteta koji je određen prema važećim standardima i certifikatima (uvjerenje o kvalitetu) i obavezuje se da će svaka dva mjeseca dostavljati Kupcu odgovarajuće certifikate o kvalitetu goriva koje izdaje nadležna institucija.

Član 9.
(Specifikacija goriva)

Sastavni dio ovog okvirnog sporazuma je specifikacija goriva sa količinama, jediničnim cijenama i ukupnim cijenama po pojedinim stavkama koju je Prodavac priložio u svojoj ponudi broj: 1893/02/24 od 23.2.2024. godine, a prema cijeni iz ponude od 6.3.2024. godine preciziranoj na e-Aukciji.

Član 10.
(Period trajanja okvirnog sporazuma)

- (1) Ovaj okvirni sporazum se zaključuje na period od 12 mjeseci od momenta njegovog potpisivanja od strane ovlaštenih osoba sporazumnih strana, odnosno na vremenski period do iznosa procijenjene vrijednosti okvirnog sporazuma, utvrđenoj u članu 2. stav (1) ovog okvirnog sporazuma.

- (2) Kupac će umjesto zaključenja pojedinačnog ugovora Prodavcu dostavljati narudžbenicu/ elektronsku karticu.
- (3) Ukoliko se jedna od ugovornih strana ne bude pridržavala odredaba ovog sporazuma, okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog okvirnog sporazuma.
- (4) Otkazni rok po ovom sporazumu je 15 dana, a sporazumne strane ovog sporazuma se obavještavaju pismenim putem.

Član 11.
(Zaštita prava)

- (1) U slučaju spora po odredbama ovog okvirnog sporazuma, sporazumne strane će ga nastojati riješiti mirnim putem, u protivnom nadležan je Sud Bosne i Hercegovine.
- (2) Na sva prava i obaveze sporazumnih strana koja nisu regulisana ovim okvirnim sporazumom, primjenit će se odredbe Zakona o obligacionim odnosima.

Član 12.
(Stupanje na snagu)

Ovaj okvirni sporazum stupa na snagu danom potpisivanja od strane ovlaštenih osoba sporazumnih strana.

Član 13.
(Broj primjeraka okvirnog sporazuma)

Ovaj okvirni sporazum sačinjen je u četiri istovjetna primjerka, od kojih svaka sporazumna strana zadržava po dva primjerka.

Prodavac
EOL PETROL d.o.o. Sarajevo

Prokurist


Dino Pašović

Broj: 2054/04/24
Sarajevo, 01.04.2024.

Kupac
Agencija za rad i zapošljavanje BiH

Zamjenica direktora


Suzana Radinković

Broj: 06-16-7-10-17/24
Sarajevo, 28.3.2024. godine